




Harí Relasaun Internasionál

Funsiunariu sira fila hosi Jakarta



Komisariu, Jose Abílio

Atualizasaun husi Komisariu

Komisariu Abílio oficialmente benvindu ba USAID/Timor-Leste nia Atividade Governasaun Komersiu, ne'ebe sei apoiu kontinuasaun viajen atu reforma no moderniza ita nia servisu sira. Atividade foun ne'e sei funsiona to'o Agustu 2025, no sei ajuda ita atu dezenvolve lei, politika no prosedimentu foun ne'ebe sei fasilita komersiu. Liu husi kumpri regra hirak ne'e, sei ajuda mos ita atu kumpri ba padraun internasionál sira, ne'ebe importante tebes wainhira ita kontinua ho ita nia misaun atu tama ba Asosiasaun Nasaun sira husi Sudeste Aziatiku no Organizaun Mundial Komersiu. Atividade foun ne'e sei ajuda mos ita atu dezenvolve anunsu servisu publiku (video badak) no kaderneta ne'ebe sei ajuda ita nia kliente sira hodi komprende didiak regra no regulamentu hirak ne'e.

Harí Relasaun Internasionál

Tuir konvite husi ita nia parseiru Alfândega iha Indonezia, ita haruka membru rua-nullu husi ita nia funsiunariu sira atu tuir formasaun kona-ba For-

masaun Baziku Alfândega iha Sentru Fasilidade Edukasaun no Formasaun, iha Jakarta.

Ita nia funsiunariu sira haksolok tebes ho oportunidade hodi simu formasaun husi parseiru Indonezia relata katak formasaun ne'e ajuda tebes sira hodi komprende didiak sira nia knar no responsabilidade .


Kontinuasaun husi atividade ida ne'e mak asina Memorandun Entendimentu hasa'e kapasitasaun entre Diresaun Jeral Alfândega Indonezia no Taxa Konsumu ho ita iha 2022. Ba oin, ita kontinua hein atu servisu hamutuk ho ita nia parseiru sira atu ajuda hasa'e ita nia kapasidade no reforsa ita nia relasaun.

Envolvimentu Parseiru

Parseiru ho Kamara Komersiu no Industria iha Timor-Leste, ita hala'o Ita nia enkontru dahuluk Komite Konsultivu Alfândega no Komersiu iha fulan ida ne'e. Parseiru husi setór barak hetan konvite atu partisipa hodi diskuti komersiu jeral relasiona ba kestaun no oportunidade, inklui importador, esportador, kompañia transporte nian, no broker Alfândega. Durante enkontru ida ne'e, parte hot-hotu mos konkorda Termu Referensia Komite nian, ne'ebe sei ajuda hodi governa oinsa mak administira enkontru sira iha futuru. Rekoñese katak envolve ho ita nia parseiru sira ne'e buat kritiku, ita planu atu hala'o enkontru komite nian dala 3-4 kada tinan.

Hasa'e Bandeira

Fulan ida ne'e reprezenta marka importante ida ba ita nia administrasaun,



Feto AA Hasa'e hela Bandeira

tanba ba dala-uluk, ita nia kolega feto sira diriji seremonia hasa'e Bandeira iha Ministeriu Finanzas.

Akompañia husi Sua Ex. Ministru Finanzas, Sua Ex. Vise Ministru Finanzas, no ita nia Komisariu, numeru husi kolega feto sira orgullu eskoltu no hasae bandeira Nasional. Iha tempu ne'ebe hanesan, ema hotu ne'ebe atende hananu hinu nasional.

Akompañia eventu ne'e, ita nia Diretor Nasional Administrasaun no Lojistika Rosa Maria Cruz ho orgullu hateten,

"Tempu to'o ona atu ita feto sira diriji kargu iha seremonia hirak ne'e, no hau enkoraja kolega feto sira atu hatudu katak feto mos bele."